

虎寶威峙

道言此諸天中大梵隱語招降二景五星神  
 精霞液上道高真命仙無量之音舊文元始  
 開圖生於二景五星之中騰耀光華感化萬  
 物字皆廣長一丈天真皇人昔書其文以為  
 正音有知其音能齋而誦之者諸天皆遣神  
 霄上吏下觀其身書其功勳上奏諸天萬神  
 朝禮地祇侍門大勳靈司保舉洞玄道備克  
 得遊行三界升入金門此音無所不辟無所  
 不攘無所不度無所不成天真自然之音也  
 故誦之致日月流精身神上奔五星垂華鍊  
 悉成仙太上之道經隱妙玄上帝遙唱萬神  
 朝禮三界侍軒群杖束首鬼精自亡琳琅振  
 響金石同鳴仙梵合律十方肅清河海靜默  
 七辰吐光天魔飛翥山嶽吞煙萬靈振伏招  
 集群仙天無氛穢地無妖塵宜慧洞清大量  
 玄玄也

元始無量度人上品妙經卷之三十四

靈寶無量度人上品妙經卷之三十五 黃五

九宮仙籍品

道言昔於太碧天中紫霄玄歌太空真土受  
 元始度人九宮仙籍無量上品元始天尊當  
 說是經周四十過以召十方始當詣座天真  
 大神上聖高尊妙行真人三元仙籍九宮大  
 神無執數眾乘空而來流雲景霄瓊輿鳳車  
 羽葆神播翠蓋珠蓋金碧交光九色鬱明洞  
 煥太空三日三夜諸天日月宮府星宿躔次  
 化綱變紀大經彌綸停機息運家廓沈冥地  
 踴寶花天敷赤文詔響合奏靈韻生音輝耀  
 上境洞開八門一國地土山川林木極平一  
 等無復高下土皆作紫瑤通明瑩徹照映圓  
 羅光焰流晶無有異色眾真侍座元始天尊  
 玄坐空浮神化飛龍羽座之上說經一遍諸  
 天大聖同時稱善是時一國男女心開悟解  
 窈契妙微說經二遍百神聚會降體玉英說  
 經三遍生氣交纏合變正道說經四遍圓虛  
 應化五府灌煙說經五遍內運修輪上符天  
 範說經六遍浩劫結滯廓爾消融說經七遍

神洞虛明徹見十方說經八遍九宮注籍身  
 飛列仙說經九遍恩沾萬有禍及八冥說經  
 十遍寒夜眾生道遠離苦是時一國是男是  
 女莫不傾心皆受護度咸得長生  
 道言是時元始天尊說經一遍上元無極無

量品玄都紫微宮正氣大神無執之眾浮空  
 而至說經二遍上元無極無量品元黃太極  
 宮合景大神無執之眾浮空而至說經三遍  
 上元無極無量品洞白太清宮耀輝大神無  
 執之眾浮空而至說經四遍中元無極無量  
 品洞虛清靈宮運功大神無執之眾浮空而  
 至說經五遍中元無極無量品南極洞陽宮  
 仙籍大神無執之眾浮空而至說經六遍中  
 元無極無量品羅淵導山宮元陰大神無執  
 之眾浮空而至說經七遍下元無極無量品  
 青華方諸宮安保安大神無執之眾浮空而至  
 說經八遍下元無極無量品南水景倫宮元  
 道大神無執之眾浮空而至說經九遍下元  
 無極無量品陰天混化宮玄皇大神無執之  
 眾浮空而至說經十遍仙府無極無量品考

校功過玄籍靈官大神無執之衆浮空而至十過周竟三元九宮二十七府百二十曹主領生化善惡飛天大神一時同至一國男女傾心歸仰元始天尊即以五明寶扇指東南維天光煥赫照耀太空天人隨扇所指仰視神化見一寶山高聳玉虛廣大難量上有瓊臺玉觀華闌神功羅列天真敬禮元始飛空步虛謠歌讚歎天尊乃召清微高上治化玉虛萬寶一品天官黃闕大鎮數化方輿元會二品地官大溟流運廣化九淵玄德三品水官立於座右三十二天帝君立於座左九天高聖自然真王立於座前日月五斗經緯列宿元綱大神立於座後耀晶玉極持握彌綸二十五大魔王十方無極飛天大神按部九天儀衛三界神兵瓊花散空天樂互奏導從羽駕飛入東南天中天人仰看惟見億乘萬騎鳳輦龍車炳若繁星難可悉視須臾黃雲四合不復瞻見元始即於東南玉闕之內說經都竟東真監度以授於我當此之時欣樂難言法事既周萬真復位俄頃之間寂爾無

聞是時天民悟此大範善獲濟惠皆得長年永斷沉淪合境歸嚮咸識生根神真闡化標名九宮神和變氣收伏妖凶物無瘥瘳萬靈昭融邪闖闖塞正道開通永輔上極咸令教弘世土升平國康民豐經始流布一國演教各運至心宗奉禮敬悉皆度世

道言元始天尊說經中所言並是九天自然真王內名隱韻之音亦是三元宮府內諱百靈之隱名也非世之常辭上清闡化真人通真悟玄悉昇其章誦之十過天官遙唱真公設禮太綱鎮靜神徽收雲元皇錫教九宮書名大魔伏形羣杖滅景回靈化體朽骨成人妙學上士誦之十過則九官擁衛神帥稽顙鬼精逃遁不敢干犯濟拔品彙論而復升也神州之民初學至道若能依科誦之十過則萬惡消摧千瑞來臨聲譽太微道貫紫霄三元執筆注上九宮果備功圓升為地真也輕誦玉文永劫湮沉崇奉尊禮所願克成世世下教開度舍生萬魔不干天真護門斯經隱奧高祕玉清度人無極為靈寶之宗純純專

妙難可稱量

道言凡誦是經十過九宮列曹真吏持生化之簿書下臨監觀削滅罪孽黑籍注名青編祖先幽魂皆得上升流火之庭鍊質召靈為天種民而妙契有無修行至學大魔保奏升度朱陵飛行八極遊宴上清降神天闕為世賢人恢張至道輔弼明君世人受誦則百病普消靈府虛明玉華內鍊金光外凝暫寄厚土太陰變形數極純陽隨運更生此經玄奧普濟無違一切有生莫不蒙惠無量之福生化受賴上天所禁不傳下凡至士齋寶玉格心盟約而傳輕慢洞章殃及七玄長役冥塗侍經九宮玉童玉女各二十四人擁護靈文守衛受經者身

道言正月長齋誦詠是經紫微上宮注籍金科妙行真人乘少陽景霄之光下開幽關拔度上世亡魂升入天堂七月長齋誦詠是經洞虛元宮書功瓊簡龍耀神王奏名九天降以生氣身得神仙十月長齋誦詠是經方諸洞宮列章上聞持綱執紐玄天大魔清湯茲

收收伏百精消滅三災保世升平八節之日誦詠是經得為地真遊宴八冥本命之日誦詠是經五府灌鍊雙景交纏九元上會混合綿綿制魂拘魄升騰絳煙采集華芒流運靈泉功滿道備神飛列仙

道言行道之日皆當香湯沐浴齋戒入室東向叩齒三十二通上關三十二天心拜三十二過閉目靜思身坐九色雲氣之中內外翁實有青龍白虎朱雀玄武獅子白鶴羅列左右三元九宮仙籍大神森然對

日日月照明洞煥室內項生圓象光映十方如此分明容况曰

無上玄元太上道君召出巨身中三五功曹左右官使者侍香玉童傳言玉女五帝直符直日香官各三十六人關啓所言今日吉慶長齋清堂修行至經無量度人願所格上徹徑御

無上三十二天元始上帝至尊凡前  
引三三十二過東向誦經

元始無量度人上品妙經

元始洞玄靈寶本章九宮僊籍上品升降度人大經離合結氣自然玉洞紫文森羅景真虛無至化流範成尊圓光分妙洪象飛根九宮育質帝一生身琳瑯廓落赤文化生奔天

迴水三極玄津眇眇層閣運空飛輪安陽紫微同歸帝宸是為極變雲宮太霄鬱察神丘玉虛陽宸須延飛霞瑩晶散輒劫仞元臺數靈列普數周網維大運相交蕩蕩天闕經緯華城流爛泛境保天蔚明中有萬坦大帝之真中有三官廣治之君中有九宮主藉之靈

中有化周開導丈人中有二十七府百二十曹陰陽水火考校生死靈官大神敷弘至妙濟度天人遊觀太空護世長存上朝大羅下治泉高總領北鄴按察靈營神符告命玄詔奉行今日宣示諸天臨軒

東方無極廣生神王長生大聖無量度人南方無極執範神王長生大聖無量度人西方無極司伐神王長生大聖無量度人北方無極普利神王長生大聖無量度人

東北無極鎮極神王長生大聖無量度人東南無極運化神王長生大聖無量度人西南無極保經神王長生大聖無量度人西北無極玉輪神王長生大聖無量度人上方無極紫霄神王長生大聖無量度人

下方無極黃闕神王長生大聖無量度人十方無極飛天神王長生度世無量大神並乘素雲飛輿浮光葆輦羽蓋飄輪騰駕朱虎神鳳金鸞建綠霞玄節翠耀華幢前導九天神印後仗伏魔信籙素靈乘載青真執麾神

帥啓塗玄老主盟億乘萬騎浮空而來傾先回駕促氣召仙紫霄丞相太極上宮清微治錄一品天官執簡捧籙齋會帝前隨所筆化開示諸天普告八冥浩蕩神闕混合之府七都九淵羅鄴暗域寒刃冰山炎城火翳剛風九旋考功六司羣魔同宮激颯迅流劫運交

衝九宮符命伏制妖凶威光下濟普赦罪魂升入福堂度品朱陵遺選解脫眾苦咸原超生受化慶會因緣隨劫運轉與天齊年過度三災九厄之難未居上境遊行九清九清之



天天帝洞文無色之境梵行

東方八天

玄利族延天	帝澄源舒明
蒼豐隱華天	帝慶百靈
昭靈碧淦天	帝略儀耀和
晉師長齡天	帝玩生無遺
漳亭主仙天	帝恪順預平
明極迴真天	帝漢題魁英
昧思純氣天	帝定玄景監
靜解應誠天	帝隆歌皎淵

南方八天

皓明慶述天	帝植秀友良
炎華赤芒天	帝託端承光
鍊真消魔天	帝一求微藍
寂度忘塵天	帝謹悟濟
靈鑑射玄天	帝紹儀秘常
太極圓明正笑	帝力彊捐
赤陶靈寶鑲中天	帝無待資宣
靜常惠神天	帝篤慶生

西方八天

鐘仙校錄天

帝披冲薦光

扶善紀功天

帝都盈捺野

西昌奉真天

帝辨世正開

恩靈降陰魔天

帝鍊成俞全

邊曠助為號明天

帝勃陽持雲

張虛留契左神天

帝諒真召基

伯化救傷慈幼天

帝覺義通

都司召靈天

帝躬忠希恭

北方八天

帝詢蒙若賒

宣陰布化天

帝正成萬明

伏魔掌錄天

帝獄昌祠宗

氣輪墨素天

帝輔東登華

昇真進澄天

帝穹嚴擎

陶晶正思天

帝烈江純思

運龍直陽天

帝優圖訥庸

九宮典徵天

帝守成自康

順靈濟幽天

帝成自康

三十二天三十二帝諸天隱諸諸天隱名天

帝成自康

中空洞自然靈章諸天隱韻天中之音天中

帝成自康

之尊天中之神主錄真魔仙藉玄靈九運十

帝成自康

周變化杳冥無量隱妙廣不可量紀籍真真

和合天人功書玉籙升進飛宸今日玄開應

體洞告無垠別落黑籍曲素高奔徊風上範

起度弱淵大魔伏謁同揮王軒東斗發生西

斗執權北斗布澤南斗主遷中斗廣化攝御

靈官青帝降神白帝制氣赤帝育胎黑帝合

志黃帝坐鎮統天大惠青宮真玉碧羅定基

赤宮真玉丹文耀開白宮真玉玉景蔚羅黑

宮真玉紫素負微黃宮真王金方化機五宮

高靈萬天之尊飛行九垣總領天兵持幢乘

節遊眇太冥神威赫奕與道交并上天度人

太憲流行元皇受命掃殄不祥石光交煥天

令恢張玉馬奔馳巨獸街岡交精遐布封落

靈鄉敢肆千犯東躄誅摧玄鏡左裁玉斧後

夷陰蕩怪魁殺伐秋蟄正天元極寶運同歸

魔無千試邪無道形九署列曹校錄鬼管不

容忿縱天吏飛呈普告靈閣羣真仰聽三界

十極咸使知聞

靈書大策寶籙玄篇周化五常三氣推延太

極布形晶耀綿綿混洞浩劫助莽升遷六氣

代交無極無邊上陳五斗下布九端風包太空  
 洞水騰天玉京植立太素九城栽琳房  
 仙籍命真翠霞蔚蕭散瓊長庚凝為山嶽流  
 為百川中藏上靈統領萬緣元網流轉三界  
 諸天包絡碧虛纏結生關旋紀度經回運極  
 交三十九帝統御四玄八治分真氣合淵源  
 皇中紫宸玉府絳霄宴洞英吟肅玄華金  
 書蔚明虛泛雲宮玉謠鍊質神音散冲瓊關  
 騫秀開導元功千運萬周自然成真真中有  
 神天官大君紫微玉輔賜谷高尊嬰兒伯史  
 太一千精總執玉符保奏生根上遊太虛出  
 入圓羅玉山之岫蕭仞之阿下應人身五府  
 靈河腦宮之戶方池百盈六洞回泉裡質飛  
 青青華九微開度天入上啓雲綱八門玉輪  
 大福禁誥善惡因緣普獲濟度死魂生身身  
 得受生上聞帝庭帝庭之上各有玄音中有  
 九宮闡闡之章三元靈歌辭來高真

洞合香冥 下鎮北鄰 三官統領  
 中有至神 執天大憲 與道同功  
 立以天帝 主以玉真 妙化生育  
 三十九君 上輔元始 浩劫稱尊  
 出入有無 飛遊玉京 洞章下教  
 萬天告行

第二九宮仙籍之章  
 紫瓊天策 玉極真科 高真隱諱  
 上松圓羅 朱壁列名 紫素三華  
 飛仙列聖 赤文煥霞 玄金寶簡  
 黃玉柔編 總記羣真 帝心所銓  
 太極玄宮 校籍命仙 憫彼世人  
 逐物流遷 魂升魄降 沈淪九泉  
 胡不登山 詠此洞篇 一悟至道  
 身飛帝軒

第三太極九宮歌曰  
 太清九方 回秀流雲 總執天機  
 開通香冥 碧山紫河 玄微結鄰  
 太微上府 中有老人 騰天隱道  
 合景生身 扇霄蔚羅 朱光耀明

天輪回運 經變元成 九洲包絡  
 通道河津 清微帝一 大洞靈尊  
 默念契大有 自然成至真 我歌九宮仙  
 願同朝帝宸

此三界之上飛空之中真王歌音音參洞章  
 誦之百遍名度南宮誦之千遍真王保迎萬  
 遍道備飛升九宮過度三界位登仙公有聞  
 靈音魔王敬形執制地祇侍衛送迎拔出地  
 戶五苦八難七祖升遷永離此山魂度朱陵  
 受鍊更生是謂無量普度無窮有松上天文  
 諸天共所崇泄慢墮地獄禍及七祖翁  
 道言此二章並是諸天上帝及九宮仙籍隱  
 秘之音內有九真雄一雌一真諱仙聖內名  
 誦誦之者刻書太極證位九宮腦中有紫房  
 真神列坐向外聞此經聲上參太極下應洞  
 響九宮之神告兆仙期也皆是大梵之言非  
 世上常辭言無韻麗曲無華宛故謂玄真難  
 可尋詳上天所寶秘於高上神霄玉清玉府  
 東臺寶藏依科三萬七千年隨運下傳若有  
 至人齋金寶質心依舊格告盟九宮然後而

107 A 87 701

付焉

道言夫天地運度否終日月五星虧盈至聖  
神人休否末學之夫疾傷凡有此災同氣皆  
當齊心修齋六時行香十遍轉經福德立降  
消諸不祥無量之文普度無窮

道言夫末學道淺或仙品未充運應滅度身

經太陰臨過之時同學至人為其行香誦經  
十過以度屍形如法則玉華帝妃執火炬以  
滅陰邪雲儀王女擊天磬於腦宮子是百神  
混合九光之精入填泥丸返其所始魂神徑  
上南宮隨其學功計日而得更生轉輪不滅  
便得神仙

道言夫天地運終星宿錯度日月昏昏四時  
失度陰陽不調國境生災疫毒流行兆民死  
傷師友命過同學罹殃皆當修齋行香誦經  
夫齋戒誦經功德甚重上消天災保鎮帝王  
下攘毒害以度兆民生死受賴其福難勝故  
曰無量普度天人  
道言凡有是經能為天地帝主兆民行是功  
德有災之日發心修齋燒香誦經十過皆諸

天記名萬神侍衛右列至人克得為聖君金  
闕之臣諸天記人功過毫分無失天中真王  
亦保舉爾身得道者乃當洞明至言也  
諸天中大梵隱語無量音 道君撰  
元始靈書九宮仙籍諸真寶誦首篇

東方八天

要圖元鈴 流體射回 恍惚威森  
周榮明垂 爛籠足芻 斗江頻雷  
仰斷鴻極 招仙納輝 演甯寂著  
空蒙華催 都瑤審餘 洽玄壁刀  
察陳潔珂 秘來發深 辨會新爵  
壯早茂彬  
南方八天  
赫那提都 明遠詠考 荒度覺攸  
瓊標暄煥 仗掌雲籍 曾端游昊  
曜勤祝慈 邊澹氣司 駢胡耿池  
品圭薄微 摘卓醇消 幽羅音屍  
靜立冥泐 揚華激瀾 澹雲驛重  
豐佐畢龜  
西方八天

燎芥諸照 環光林羅 遼兵無形  
堆遠輾圓 應道洛誠 周蒙宛毗  
屹左遊縛 朱并丙持 渺但洞澤  
僕幽楮美 亮愬祖穆 由汾淇真  
獨綿閣祥 夷虛角張 窳變益焚  
瓊迅時機

北方八天

叱麓擊敵 嚙吟時陸 絳海碧咀  
希幽烟梅 逸躍使燭 錫光瑤陀  
欽載更驅 每官元師 秋潔壘嶽  
堅風育悲 族蕩萃遠 淑不在丹  
陽鞠葛則 厥車橫鱗 虞滅生久  
闡盤泊嬰  
道言此諸天中大梵隱語無量之音舊文刻  
書太極九宮崇壙之上以詔未度至學之士  
神棲九宮氣抱太極參味隱韻則錄名仙籍  
上遊太玄策登左元字皆廣長一丈天真皇  
人昔書其文以為正音有知其音能齋而誦  
之者諸天皆遣太極右脚下觀其身書其功  
勤上奏諸天萬神朝禮地祇侍門大勳真王

保舉九宮道備克得遊行三界升入金門此音無所不辟無所不覆無所不度無所不成天真自然之音也故誦之致太極下觀上帝遙唱萬神朝禮三界侍軒羣袂東首鬼精自亡琳琅振響十方肅清河海靜默山嶽吞煙萬靈振伏招集羣仙天無氛穢地無妖塵冥慧洞清大量玄玄也

元始無量度人上品妙經卷之三十五

靈寶無量度人上品妙經卷之三十六 第六

八景神合品

道言昔於朱陽天中玄極靈歌太融昌土受元始度人八景神合無量上品元始天尊當說是經周四十過以召十方始當詣座天真大神上聖高尊妙行真人三元八景大神無鞅數眾乘空而來靈雲敷華寶輿玉軒紫蓋扶蔭神境同光瑞色交朗八道煥明七日七夜諸天八景合映自然千神萬靈冥洞一氣混化同輪一國地土山川林木煒耀齊鮮高下彌漫坦平一等土皆浮異彩纏羅之色眾真侍座元始天尊玄坐空浮萬氣穹窿洞景瓊臺之上說經一遍諸天大聖同時稱善是時一國男女欲念未獲斷除說經二遍達悟至真說經三遍識用通玄說經四遍妙和元氣一合其形說經五遍神精凝粹保鎮軀靈說經六遍萬神結華與身齊并說經七遍三宮帝尊朝集神真說經八遍百關固密宮府相連死尸塞絕斷滅胞根說經九遍三部開朗八景齊歸說經十遍神明洞合舉形飛仙

是時一國是男是女莫不傾心皆受護度咸得長生

道言是時元始天尊說經一遍東方無極無量品至真青景大神無鞅之眾浮空而至說經二遍南方無極無量品至真丹景大神無鞅之眾浮空而至說經三遍西方無極無量品至真素景大神無鞅之眾浮空而至說經四遍北方無極無量品至真玄景大神無鞅之眾浮空而至說經五遍東北無極無量品至真生景大神無鞅之眾浮空而至說經六遍東南無極無量品至真明景大神無鞅之眾浮空而至說經七遍西南無極無量品至真華景大神無鞅之眾浮空而至說經八遍西北無極無量品至真幽景大神無鞅之眾浮空而至說經九遍上方無極無量品至真合景大神無鞅之眾浮空而至說經十遍下方無極無量品至真化景大神無鞅之眾浮空而至十過周竟十方無極天真八景大神一時同至一國男女傾心歸仰欣躍而言我等各以善因或從道業證過福緣得居此天